

BASES DOS V PREMIOS DE COMUNICACIÓN DO COLEXIO OFICIAL DE PSICOLOXÍA DE GALICIA

*O Colexio Oficial de Psicoloxía de Galicia convoca a quinta edición dos Premios de Comunicación Xoán Vicente Viqueira do Colexio Oficial de Psicoloxía de Galicia, en colaboración con Brokers'88, dirixido a premiar aqueles traballos de comunicación que contribúan á **divulgación da Psicoloxía e da profesión de psicólogo e psicóloga**, que fosen publicados ao longo de 2025 nalgún medio de comunicación galego ou delegación galega.*

BASES

1. Adxudicaranse dúas categorías de premios:

- a. **Premio Xornalístico do COPG.**
- b. **Premio de Comunicación.**

2. Poderán concorrer ao **Premio Xornalístico Xoán Vicente Viqueira** os e as xornalistas que publicasen ou emitisen algún traballo en relación coa Psicoloxía, a nivel individual ou grupal, en calquera formato xornalístico. Valoraranse os traballos que contribúan á divulgación da Psicoloxía e da profesión na sociedade a través dos medios de comunicación. Valorarase o carácter de servizo público, así como a súa calidade informativa e ética.

3. Poderán concorrer ao **Premio de Comunicación Xoán Vicente Viqueira** psicólogos e psicólogas colexiadas do Colexio Oficial de Psicoloxía de Galicia que colaboren de forma frecuente e continuada cos medios de comunicación co obxectivo de divulgar a profesión da Psicoloxía na sociedade, desde o rigor, a ética e a vocación de servizo público.

4. A presentación poderá realizala o propio autor ou autora ou unha persoa colexiada do COPG. Cada participante poderá presentar ata 3 candidaturas.

5. Os traballos deberán ter sido publicados entre o 1 de xaneiro de 2025 e o 31 de decembro de 2025, e o prazo de presentación estará aberto ata o 28 de febreiro de 2026.

6. Poderán presentarse traballos xornalísticos e de comunicación en calquera formato (prensa escrita, dixital, radiofónico ou audiovisual). Deberá proporcionarse unha copia dixital do arquivo (PDF, JPG, PNG, MP3, MP4, WMV), así como o enlace ao medio web no que está publicada a peza informativa, de ser o caso.

7. Deberán presentarse os traballos a través da sede electrónica do COPG (sede.copgalicia.gal) como instancia xeral, do correo electrónico (copgalicia@copgalicia.gal) ou por correo postal remitido ao Colexio Oficial de Psicoloxía de Galicia (Rúa Espiñeira 10, baixo, 15706 Santiago de Compostela, A Coruña).

8. A dotación de cada categoría de premio será de 2.000 euros, do que se descontarán os impostos que correspondan. Poderán outorgarse mencións especiais en caso de que haxa traballos merecedores á consideración do xurado.

9. O fallo coñecerase durante o mes de abril de 2026.

10. O xurado será designado pola Xunta de Goberno do COPG, e integrarase por membros da Xunta de Goberno e representación de Brokers'88, así como por xornalistas profesionais. Os acordos tomaranse por maioría simple e o fallo do xurado será inapelable.

11. Valorarase na categoría de Premio Xornalístico a súa contribución á divulgación da Psicoloxía na sociedade, a utilidade social da profesión, así como a defensa deste ámbito da ciencia fronte ás pseudoterapias.

12. Valorarase na categoría de Premio de Comunicación a contribución á visibilidade da profesión da Psicoloxía na sociedade e da súa utilidade social, sexa cal sexa o ámbito, así como a rigorosidade, o compromiso coa ética e o Código Deontolóxico, e tamén a vocación de servizo público.

13. O COPG reservarase o dereito á reprodución dos traballos gañadores na forma en que estime oportuna.

14. Os traballos deben ser inéditos e propios do autor/a. En caso de incumprimento deste requisito, o Colexio Oficial de Psicoloxía de Galicia poderá ou ben non ter en conta o traballo, ou no caso de outorgarlle o premio, ter dereito ao ser reembolso.

15. As persoas participantes, polo feito de presentarse a este concurso aceptan a publicación dos seus datos persoais, no caso de seren elixidas como gañadores ou mención especiais, consistentes en nome, apelidos e número de colexiación, así como enlace ao artigo se é aberto, na páxina web, redes sociais e calquera medio de difusión dos premios que considere o Colexio.

16. A participación nesta convocatoria supón a plena aceptación das presentes bases por parte da persoa participante.